

# Ellevill stemning for Rybak og Stanghelle



POPULÆRE: Alexander Rybak og familien Stanghelle vart godt mottatt på Nordhordland folkehøgskule fredag.



TRE GENERASJONAR: Turid Stanghelle, Mathilde Marker og Thomas Stanghelle på scena.

## Alexander Rybak og familien Stanghelle trekte både gamal og ung til konsern på Frekhaug fredag.

Av Susanne Christensen

Stemninga var ellevill. Alle klappa takta og nokre reiste seg til og med opp på stolane og dansa, då Alexander Rybak og familien Stanghelle framførte sine «hits».

### Fleire generasjoner

– Me er tre generasjoner som opptrer, og blant publikum var det også fleire generasjoner. Konserten kan opplevast som ein måte å samla fleire generasjoner, seier Thomas Stanghelle til Strilen.

Han var blant familiemedlemene som stod på scena under konserten i regi av Knarvikmila og Musikkens venner Nordhordland. Og møtet med publikum på folkehøgskulen gjorde inntrykk. Både

familiar, ungdommar og eldre hadde tatt turen til Frekhaug for å få med seg konserten og publikum var like mykje med anten det var Rybak eller Mathilde Marker (93) som song.

– Me opplevde at folk var opne for det me kom med. At publikum sette pris på så mange sjangrar og uttrykk. Dei som kom for å høyra ein sjanger, var også opne for dei andre uttrykkna. Dei var med på alt frå første stund! Slik kan ein kanskje opna nye dører for publikum, seier Stanghelle.

### Sprudlende stemning

– Det er mange av dykk som kjenner kvarandre, kan de ta armene godt rundt sidemannen og så vaggar me litt frå side til side, oppfordrar Alexander Rybak.

Han fekk publikum til å halda rundt kvarandre, så stemninga steig endå eit hakk.

– No skal me framføre ein song frå det nye visealbumet mitt. Nokon skreiv at det var det beste visealbumet nokon gong... Det var vel du det mamma? spørte Rybak.



DANSA: Nokre av jentene i salen vart så ivrige at dei hoppa opp på stolane og dansa til musikken.


Artistane krydra konserten med både vitsar, ordspel og korte forteljingar, og det såg ut til å falla i smak.

### Likar Nordhordland

Og familien Rybak fekk eit godt inntrykk av Nordhordland.

– Det eg likar best med Nordhordland er den vakre naturen, dei venlege menneska og den gode maten!, seier Igor Alexandrovitsj Rybak til Strilen.

Og både Rybak familien og Stanghelle-



«SØTE NORA»: Nora (10) fekk ei personleg helsing frå Alexander Rybak. – Den skal opp på veggen, gliste ho nøgd.

familien har mange fans i Nordhordland. Ei av dei er Nora (10).

– Eg likte veldig godt å høyra all musikken dei song, spesielt godt likte eg «Ai,ai,ai»-songen til Alexander Rybak, kan Nora fortelja. Ho stilte seg i den lange køen av folk som ville ha autografen hans og fekk ei personleg helsing frå helten sin.

– Denne har eg tenkt å ha ramme på, seier ho, og glisar breitt.